

第七七〇册

經濟彙編

祥刑典

律令部

(卷)
要一六

古今圖書集成

中華書局影印

古今圖書集成
目錄

卷一

古今圖書集成

中華書局影印

欽定古今圖書集成經濟彙編祥刑典

第五十六卷目錄

律令部彙考四十二

皇清 康熙 二則

祥刑典第五十六卷

律令部彙考四十二

皇清

康熙十一年

刑部現行則例康熙十一年閏七月十四日奉

上諭論刑部設立刑法原以戢奸禁暴必事情重大

方可用刑嚴訊近見內外問刑衙門常有濫用

夾棍致斃人命者朕心殊為不忍以後審問事

情爾等務加詳慎勿得輕聽問官不分輕重動

輒夾訊希圖草率結案仍將審事官員嚴加申

飭不時稽察其有任情作弊者即行指實題參

務使重刑不得濫及無辜以副朕矜恤民命至

意若有不應夾訊之人擅用夾棍及罪不至死

徑行夾死者應作何處分爾部會同吏兵二部

定議具奏特諭欽此欽遵嗣後除謀反等十惡

并真犯死罪及搶奪竊盜蠹役人命光棍貪污

賭博等情罪重大正犯干連人犯之內雖有罪

不至死者仍用夾棍審問別項小事應不用夾

棍內外問刑官員若將案內應夾罪不至死干連之人夾訊即時身死及將案內不應夾訊之人夾訊被夾之人即時身死併忤意疊夾致死將審問官交與該部若有別項情由照情由議罪若將不應夾訊之人回堂夾訊將堂上官以不行詳慎亦交與該部

大清會典康熙十一年議定凡謀反謀叛之罪始行連坐籍沒其餘情罪俱照律議若有官員承審人犯存心陷害借言情罪重大誣以朋黨妄議株連父母兄弟妻子籍沒家產者照故入人死罪律治罪

又題准凡護軍兵丁逃走被獲解來或自行投回若帶有兵器及逃走日久奴僕隱匿本主財物不實供同逃妻子住處窩逃之人不行招認逃人串通別人供係伊主二主相爭誑扳窩家衙役解役受賄疎脫逃入及窩隱逃入被人挈獲誑供係伊挈獲等事應夾訊若將案內不應夾訊之人錯行夾訊或應夾訊而罪不至死之人夾訊身死及忤意疊夾致死者照定例議處

又題准凡將軍城守尉等每年四月內將逃冊咨送督捕其軍獲鞭刺逃人之姓名本主旗色佐領軍獲年月日期及官員職名該督撫盛京刑部每年三月內備造清冊咨送督捕於欽功時磨對議敘

又題准凡投遞逃牌各省駐防旗下所屬者遞與該將軍城守尉等用印文轉送督捕存案其盛京所屬者送

盛京刑部存案

又題准凡寧古塔逃人令寧古塔將軍審理又題准凡各省駐防旗下人逃走者俱交該督撫審理其有窩家具文申報督捕其無窩家之逃人於彼處照例鞭刺逃走三次者仍照例咨報督捕覆議具題交刑部

又題准奉天府逃人會盛京刑部審理

又覆准軍犯免其墩鎖令該管官曲意防範無令至於饑寒若致脫逃該管官罰俸六個月統轄官罰俸三個月

又題准中途脫逃不差的役押解之官住俸勒限一年督緝限內不獲該撫題參罰俸一年行文各省照案緝拿

又題准土司地方失事土官免議責令緝賊如土司地方與民人雜處有官兵設防之處失事者兼轄統轄官照例議處若無民人居住官兵設防之處失事者兼轄官停陞勒限一年緝拿如緝獲一半免議全未獲者兼轄官罰俸一年免其停陞仍照案緝拿如大夥盜賊劫掠村莊殺擄男婦者兼轄官降一級留任總兵官罰俸一年提督罰俸六個月

又題准盜賊行劫失主即于本日呈報夜間被盜于次日呈報如呈報後該管官不速行接續前報或不親行馳追止差未升追緝或追及脫逃者俱革職若止逐離本汛不行窮追者降一級留任至附近地方官失主呈報不行接受者

革職如以非其汛地不親身追捕或追及不能擒獲或止差未弁追捕者俱降一級調用其經過地方官不親身馳追或追及脫逃或止差未弁追捕者亦降一級留任該督提鎮具題之日務將某官會否馳報會否親身追捕經過地方會否窮追情由逐一開明如含糊具題者罰俸一年

又題准盜賊偽稱名號侵犯城池專汛兼轄各官俱革職總兵官降二級調用提督降二級戴罪圖功聚集一二百人焚燬鄉村劫擄男婦殺傷兵民者專汛官革職兼轄官降二級調用總兵官降二級提督降一級俱戴罪圖功聚集六七十人焚燬鄉村劫擄財物殺傷兵民者專汛官革職兼轄官降二級總兵官降一級俱戴罪圖功提督罰俸一年至於盜賊嘯聚鄰近之提督總兵官并將軍城守及副參遊等不親領兵勦滅止遣守備千把等官往剿者各降二級調用其專汛官及副參遊等聞賊不遞為申報者俱革職督提鎮聞報不速發兵會剿以致賊勢蔓延官兵失利者俱降三級調用

又議准城外村莊道路失事者除提鎮例不議及外專汛文武官俱住俸兼轄文武官俱罰俸六個月限一年緝拏一年內拏獲一半者免罪餘賊照案緝拏如不獲專汛官降一級調用兼轄官罰俸一年盜賊照案緝拏如有加級薦紀准其抵銷若賊在別處地方行劫其原住地方該管官不行察拏者題參到日失事地方官住

俸緝拏原住地方官今其協緝如一年不獲罰俸六個月兼轄副將等官亦照此例議處

又題准該管官因公他出後失事者樂行免議凡武弁為盜舊例効用官為盜者該管官降三級調用

又題准提鎮標下効用官為盜者該提鎮降三級調用若營弁為盜該管官降三級調用兼轄官降二級留任統轄總兵官降一級留任

又題准捕役夥盜該管官革職其捕役雇覓之人持票夥盜者罪同

又題准海賊侵犯城池殺傷兵民專汛兼轄各官俱革職總兵官降二級調用提督降二級戴罪圖功焚燬鄉村劫擄男婦殺傷兵民者文職州縣官同城知府各罰俸一年同城道員罰俸六個月照案緝拏武職專汛官革職兼轄官降二級調用總兵官降二級提督降一級俱戴罪圖功若兼轄各官聞報退縮不前者俱革職提督總兵官聞報不即領兵會剿者降二級調用若賊船突出劫掠同行鎮將等不相救援率師徑返以致官兵損傷者革職提問專汛官降二級兼轄官降一級俱戴罪圖功提督總兵官罰俸一年海賊乘夜入城殺傷兵民者專汛官降二級兼轄官降一級俱戴罪圖功

又議准竊盜犯至二次者伊主父兄照前定例治罪其司坊巡捕營步軍校等在該汛自行拏送或別汛官拏送者免議若被他人拏送者將失察之專汛官罰俸三個月兼轄官罰俸一個月

月步軍校等亦照此例值日番役兵丁責二十板步兵撥什庫兵丁鞭五十

又覆准竊盜賊至一百二十兩者杖一百流三千里一百二十兩以上擬絞監候秋後處決其家僕雇工人盜家長財物者旗下民人不便互異俱照律一體擬罪

又議准竊盜三次者照律擬絞監候若竊盜二次搶奪一次或搶奪二次竊盜一次者免其並擬各照所犯之罪發落

又題准專汛官同城兼轄官一月內緝賊一半者免罪停陞限一年緝拏如不全獲罰俸一年餘賊照案緝拏不停陞其不同城之文武兼轄官照地方失事例處分

又題准正陽門崇文門宣武門外關廂被盜者巡捕營各官照城內失事例議處

凡諱盜不報舊例地方失事隱諱不報者專汛官革職兼轄官知而隱諱不報者降二級調用不知者降一級調用督提鎮不行查明糾參者降一級留任其拏獲盜賊供出先次行劫之處雖失主未報專汛官仍革職兼轄官降一級調用若賊全獲者免議又題准兼轄官同城不知者降一級調用不同城者降一級留任

又題准委用汛地土弁押運者出結官罰俸一年

又題准運弁完糧如遇別事註誤應降調者除從前加銜不准抵銷外其現在應敘准其抵銷所降之級若罪至革職者不准抵銷

又題准運官緣事如應革職究擬未及起程者另僉他員領運已起程者革職帶罪押運俟交糧完日押回究擬

又題准衛官捏報運官侵欠糧石希圖奪運運誤漕糧者將原告之官革職其運官已經食運抗違規避誤漕者革職又運官以私事不親押運起卸後始行趕至及運竣南旋託故回籍者俱革職

又題准領運官股制運丁或將應給行月錢糧及修船等銀侵尅不發或勒索不遂酷打運丁者俱革職究擬

又題准運官抗不赴次及赴次索勒淋尖毆辱糧官并不嚴飭運丁爭索糾面酒席噪辱糧官及沿途生事阻壓行船欺侮官員毆斃民命及回空時縱丁毆打催價官兵者俱革職究擬

又題准運官停泊漕船不聽督催陵辱開官責打開夫帶去開板洩水誤漕者革職究擬不挨程速進沿途脫幫遲誤者降二級戴罪督催若謊報水淺塘塞者罰俸六個月

又議准白晝搶奪至二次者將伊主父兄照前定例治罪

又議准凡搶奪三次者照例立絞若搶奪二次竊盜一次或竊盜二次搶奪一次者免其並擬各照所犯之罪發落

又題准營兵爲盜窩盜若在該管官因公他出之後事發于未回之前者免議
又題准官員約束不嚴以致招撫兵丁復聚爲

盜者專管官降一級調用

又覆准完糧在期限三月之外違限不及一月者領運官罰俸三個月一月以上者罰俸六個月二月以上者罰俸一年三月以上者降一級留任

又題准漕船不足應運該管官不早爲僉丁補造又不設處雇募以竣運者降一級調用經管官造船玩誤者罰俸一年

又題准衛所官解送漕船隻遲誤朽爛者罰俸一年

又題准運官自攬客貨與私載已貨裝運私鹽者俱革職運丁私攬客貨及私載已貨裝運私鹽者運官降一級調用

又議准回空漕船赴次遲延者隨幫外委官責逐

又題准運官欠糧脫逃者出結委用官罰俸一年

又覆准州縣侵那錢糧司道府官本年及次年查出免議如違至三四年始行查出仍照失察例議處

又題准凡官員犯贓革職其祖父

誥勅仍行追奪若別項革職者免止追奪本身封典
又題准私差營兵未至生事擾民者專管官革職免提問兼轄官不行揭報者降二級留任總兵官罰俸一年提督罰俸六個月

又題准薦舉後現任內有劣蹟原薦舉之督提鎮即行題參者免罪如不題參照例議處至薦

舉時有不肖之官亦令一併糾參

又題准該管官將屬員事蹟錯開以致本官革職者申報官降二級調用督提鎮降一級留任降級者申報官降一級調用督提鎮罰俸一年罰俸者申報官罰俸六個月督提鎮罰俸三個月如未經處分之先經部查出係革職降級者申報官罰俸一年督提鎮罰俸六個月係虛革虛降及任俸罰俸者申報官罰俸六個月督提鎮罰俸三個月

又題准提督貪婪總督不行糾參總兵貪婪提督不行糾參發覺審實之日不論同城不同城各降三級調用副將參將以下貪婪該管各官不行揭報被督提鎮訪察題參者同城該管官降三級調用不同城該管官失察者降一級留任知而徇庇者亦降三級調用如已經督提鎮題參後續行具揭者俱不准行若署印官不揭報者罰俸一年其督提鎮題參貪劣官員時不將未揭報之該管官職名指參者亦罰俸一年

如督提鎮并該管官開送文冊以優爲劣以劣爲優者該管官降二級調用督提鎮降一級調用如官員互揭該管官不行申報及督提鎮行查故意遲延者罰俸一年或督提鎮行查優劣該管官遷延不報或督提鎮密行查訪該管官洩漏以致本官自盡或脫逃者亦罰俸一年其自盡情由如係威逼經部行查取其妻子口供審實後將威逼之官革職提問若該管官奉督提鎮行文擅將屬官提署羈候者革職掌印都

司衛所等官俱照此例處分

又題准齋奏本章裝填小匣騎馬背包不得過十斤若送冊籍用馬駝載不過六十斤其所負大皮箱未行禁止違者該州縣驛各官驗實指名申報議處若該州縣驛各官徇隱不報本部查出經過府州縣等官一併參處

又題准奉

旨差遣及緊急軍情差遣官役閉門不容進城抗不應付或毆打差官者俱革職提問若係齋送上用物件應付稽遲者州縣驛遞官降二級調用違誤平常奏章者降一級調用

又題准州縣等官若不詳請督撫驛道咨部私自買馬者降一級調用

又題准凡有以枉道擾驛指參者係官降一級調用係差役杖八十

又題准官兵不扣朋銀者該管官罰俸一年提督罰俸六個月如無提督省分總兵官罰俸六個月

凡領解營馬舊例綠旗各營官兵馬匹缺額赴部領解官員於沿途倒斃過多者罰俸一年

又題准領解馬匹如十分內倒斃三分以上者罰俸一年六分以上者降一級調用八分以上者革職如將馬匹私賣私給并缺馬仍支草料者革職提問

又題准官員將民間馬匹充驛馬驅使者降一級調用

又題准駐防官不呈明該將軍報部私差家人

來京買馬者罰俸一年

又題准官員出征在家規避不起身者革職在外違約者革職提問護軍撥什庫兵丁等在家規避不起身者鞭一百仍發往軍前在外違約者鞭一百所獲人口入官若係差遣之處不遵號令違誤者鞭一百出兵之處不遵號令妄行者為首人正法餘俱枷號三個月鞭一百該管官罰俸一年

又覆准凡以財物打馬弔鬪混江者照賭博例治罪其賭飲食等物者照不應重律係民折責三十板係旗下鞭八十係官罰俸一年俱以現發有據為坐

又題准督提鎮將使令之人掛名食糧者各降二級調用

又題准凡不准題補省分投誠官內如果立有功績才技優長弓馬嫺熟者該督提等保題令其赴部考驗如與保題相符准照投誠年月先後推用如與保題不符提督等照例此例議處

又題准奉差及赴任官員被劫無護送官兵者專汛兼轄官照地方失事例議處有護送官兵者若在本汛地方又係本汛官兵護送被劫者專汛官降二級調用兼轄官降一級留任統轄官罰俸一年若被賊殺擄無護送官兵者仍照舊例有護送官兵者專汛官革職兼轄官降二級調用統轄官降一級留任

又題准武途冒濫巡撫知情不行題參者照例議處若巡撫不知止照保結考試者罰俸一年

原出結之官降二級調用轉結官降一級調用

又題准食酷者革職提問不謹罷軟者革職年老患病者勒令休致才力不及者降二級調用浮躁者降一級調用至外委署等官亦照例註考另造一冊分送部院衙門其老病休致各官無容註考

又題准官員具告通政使鼓廳審無冤枉者罰俸六個月若又稱冤枉具告者降一級調用係已經革職之官交刑部議罪呈請寬免初次叩閣審虛者罰俸九個月

又題准擅行委署不報上司者降一級調用

又題准委署官有縱兵殃民尅餉違法者本官照例議處保舉官降三級調用提督降一級留任若保舉官察出者免議提督題參亦免議

又覆准推補提鎮等官自奉

旨之日為始定限一月內出京赴任違限者兵部題參議處

又題准鎮店路店途劫失餉鞘護送官革職失事地方文武各官俱住俸限一年緝拿盡獲開復若限內不獲各降一級調用限內拿獲一半者免罪停陞緝拿兼轄武官同城知府亦照此例

不同城之知府免議該提鎮道官各罰俸六個月限一年緝拿限內不獲各罰俸一年有加級紀錄俱准抵銷如失事時鄰汛官員及地方各官拿獲盜賊一半失事地方官免罪停陞緝拿若限內鄰汛官全行拿獲失事地方官免其住俸

俸

又題准提鎮將不應具題之事會題者如承行具題官革職者列名具題官降四級調用如承行具題官降級調用者列名具題官降一級留任如承行具題官降級留任者列名具題官罰俸一年如承行具題官罰俸一年者列名具題官罰俸六個月如承行具題官罰俸六個月者列名具題官罰俸三個月如承行具題官罰俸三個月者列名具題官免議如督提鎮將應會議事件並未會同議妥遽稱合詞題覆者罰俸六個月

又題准內外大小武職官員有降級留任者三年無過准與題

請開復如三年內復有過被降即以後降之日為始計滿三年方與題

請開復其三年內有過罰俸仍照日月扣除若拖欠錢糧能作速完解緝拿盜賊能依限捕獲者俱即題

請開復至戴罪圖功之武弁或另立有軍功或將原案盜賊拿獲即准開復若三年內原案盜賊罕獲一半而地方寧謐並無罪過者亦准題

請開復若三年內獲賊一半復有罪過議降議罰者以後議之日為始三年無過亦准開復至于應降級戴罪圖功有軍功薦紀抵銷者免議

又題准官員將自畜馬匹發州縣驛遞勒令輸價者降二級調用督撫不行訪察題參罰俸一年

又題准提督總兵官俱令自陳副將以下經制

把總以上官令兼轄將領註考呈該總兵官不屬總兵管轄者令各該兼轄副將參將清造五花文冊填註考語送該提督註考後轉送總督嚴加考核確定去留送冊送部其賢不肖之尤者仍照例另揭巡捕三營各官令督捕填註考語造冊開送其內外各官註考如前後互異及將離任官應註考而不註不應註而註或開報年貌舛錯或失註去留者俱罰俸一年督撫提鎮罰俸六個月

又題准土司襲職子弟年滿十五歲方許承襲未滿十五歲者督撫報部將土司印信事務令本族土舍護理俟年歲滿時督撫題

請承襲每承襲世職一員給與鈐印號紙一張將次宗派及職守事宜填註於後後遇子孫襲替本省都司驗明起文如無都司由布政司起文并號紙送部查對無異即與題

請襲替將襲替年月頂填填註於後填滿另給如遇有水火盜賊損失者於所在官司給執照赴部查明另行補給如有犯罪革職故絕等項都司布政司開具情由將號紙繳部查銷如宗派混冒查出參究

又題准在外副將以下官員因病請告者該督撫提鎮委該管官確驗果真具題免其赴部並原籍官員驗看若捏稱有病具題當時被人糾參首告提取到部驗看果虛本官革職驗病官出結官俱降一級調用代題督撫提鎮罰俸一年提督患病總督驗明具題若無總督之省巡

撫驗明具題若捏稱有病當時被人糾參首告提取到部驗看果虛本官降二級調用代題督撫降一級留任

又題准土司嚇詐部民恣意侵害者革職又覆准土舍因奪職傷人該管土司照例議處又議准除謀叛等十惡並真正死罪及搶奪竊盜霍役人命光棍貪污賭博等情罪重大正犯并干連犯證奸惡不吐真情難以定案者仍應夾訊外別項小事俱不得夾訊若內外問刑官將案內應夾罪不至死之人夾訊致死者罰俸一年將不應夾訊之人擅行夾訊者降一級留任或被夾之人即時身死者降三級調用或疊行夾訊致死者革職若有別項情由按罪定擬其司官有將不應夾訊之人回堂堂上官不行詳慎輕聽夾訊者罰俸六個月

凡營兵謀變舊例官員如有稽遲兵餉侵剋暴虐等弊許兵丁赴督撫提鎮告理若不行告理擅自聚譁者為首之人正法若該管官亡故營兵借言嚇詐者為首之人亦正法若營兵鼓譟逃走該管官降一級留任總兵官罰俸一年營兵鼓譟作亂該管官及總兵官各降二級留任該管官知情者革職提問又題准提鎮標兵謀變該管官及提鎮俱降二級調用至中軍承理錢糧如本營兵變革職別營兵變與該管官一體降二級調用總兵官所轄營兵謀變總兵官降一級留任提督罰俸一年提鎮徇隱不行題參及參不以實者降二級調用兵丁赴督撫提

鎮具告不准者許赴部具告越訴者不准

又題准營兵反叛該管各官俱革職統轄官降二級留任提督罰俸一年

又議准革職降級等官稱冤控告者該督提鎮察明具題如將無冤枉之事稱為冤枉朦混具題者督提鎮降一級留任代申各官降二級調用朦混咨部者督提鎮罰俸一年

又題准貪虐官員無總督省分聽提督查參無提督省分聽總兵查參

又題准借名殺良誑報為功者轉報之總兵官降二級調用提督不行參出降一級留任

又題准地方失事不查參經制專汛官以外委官塞責題參者呈報官降二級調用轉報官降一級留任提鎮罰俸一年

又題准各標中軍不作兼轄如係伊專汛地方照例處分

凡營兵結黨欺官舊例兵丁抗糧地方官追比時眾兵擁奪人犯該管官革職提問兼轄官降三級調用又題准該管官知情者革職提問不知情者革職兼轄官知情者革職不知情者降二級留任

又題准提鎮標下効用人員有才技優長弓馬嫺熟亦得選用把總功加守備職銜以上給與部劄者俱令赴部補用不准以千把總調用功加千總者仍以千總補用若提鎮將部冊無名之人選補把總者降一級留任該管官詳報提鎮補授者詳報官降一級留任提鎮罰俸一年

又題准凡五城應結杖笞等罪俱停送部

又議准逃人犯白晝搶奪或為竊盜罪止鞭一百者刑部枷號刺臂鞭責送督捕免其鞭責其不至鞭一百者刑部刺臂免責送督捕照例議逃走之罪

又題准停止差官查驗各營內如有老弱兵丁倒斃馬匹即行申報聽該督撫提鎮按季造冊報部如有兵馬不強盜甲不齊營伍不實剋扣兵餉等弊該督提不時密訪若互相徇庇事發該管官并督撫提鎮等分別治罪

又覆准犯賊官役分別枉法不枉法照數多寡輕重擬罪之條俱仍照律行

又題准私給外國接壤邊口印票者革職鞫問其餘邊口私給印票者止革職

又題准奏報軍功不實者將軍提督降二級總兵官降三級俱留任疏報官革職

凡妄冒軍功又題准將他人之軍妄作己功者降三級調用

又題准管干總降一級以本省內把總用把總無級可降革職

又題准凡貽誤軍務兼轄統轄官不行查參者俱照揭報劣員例處分

又題准凡將已開城門之鎖扭壞逃走者城守官革職當時全獲者免議革獲一半者降一級留任

又覆准律例內開載未盡折贖之條問刑官臨時詳審情罪應准折贖而自願者准其折贖有

不應准者仍的決如濫准折贖併多取肥己者該督撫指名糾參

凡營兵私逃舊例該管各官降一級留任若虐兵致逃者降一級調用護解兵丁與逃人同逃者該管官罰俸一年又題准營兵私逃專管官罰俸一年兼轄官罰俸六個月若該管官苦累兵丁以致逃走者降一級調用兼轄官降一級留任統轄官罰俸一年

又題准官員將不應給驛之人濫給勘合或多支驛站錢糧者降一級調用如多支隨即扣解者罰俸六個月

又題准督撫提鎮奉行

欽部事件俱以文到日為始通限四個月具題總督駐劄本省地方仍照巡撫限期外所管隔省地方亦以文到日為始限六個月具題違限不及一月者免議違限一個月者罰俸三個月兩個月者罰俸六個月三個月者罰俸九個月四個月者罰俸一年半年以上者降一級調用一年以上者降二級調用二年以上者革職倘有重大事情限內難完者許其題明寬限若承管官將易結之事遲延不結或將難結情由不預行申詳經督撫提鎮題參者違限一月以內罰俸三個月一月以外罰俸一年

又議准凡糧船併回空船責令各該押運官及千總百總將人數寫給印票嚴加稽察若有窩隱逃入者將船主斷作窩家責四十板并妻子流徙尚陽堡同船運丁各責四十板船丁屯丁

頭目照地方例枷號兩個月責四十板領運千總照失察例革職押空百總責三十五板革去百總其河南山東之押運糧道罰俸一年江西浙江湖南湖北江安蘇松等處押運通判亦罰俸一年

又題准惡棍借端挾詐勒騙錢財公行搶奪擾市肆者責成巡捕三營司坊官員并五城御史督捕官不時巡緝如知有惡棍不行緝拏及得財私縱徇庇說稱失脫者革職總甲衙役兵丁番役等枷號一個月責四十板如不知失察者督捕官罰俸兩個月該城御史巡捕三營參將遊擊俱罰俸一年司坊官把總俱降一級調用若司坊官把總已經革獲不即呈送該城該營者司坊官罰俸一年把總降一級調用該城御史該營參將遊擊不速送刑部督捕及刑部督捕不速行收審者俱照遲延事例處分總甲衙役兵丁番役等俱各責四十板

又題准閩廣地方嚴禁出海其餘地方止令木筏捕魚不許小艇出海
又題准凡有大小船隻出海貿易及遷移在海島蓋房種地者不論官兵民人俱以通賊論處斬貨物家產俱給首告之人該地方保長知情同謀故縱者斬知情不首者絞不知情者杖一百流三千里該汛守官兵知情故縱者亦以同謀論俱處斬其不知情者文職知縣知州革職永不敘用府道降三級調用專汛武官革職與兵丁一并治罪兼轄副將等官革職該管總兵

官降三級留任該督提各降二級留任巡撫降一級留任有能革獲本汛出海之人文武各官均應免罪革獲別汛出海之人十名以上者革獲之文武官員紀錄一次一百名以上者加一級該管文武官員或兵民拿獲者督撫提鎮道府副將均應免議若官兵民人私造出海船隻者處斬該管文武官員及地方保甲長同謀者絞知而不首者杖一百流三千里文職州縣官所屬民人武職專汛官所管兵丁私造船隻不行察出者革職兼管文職知府武職副將等官降三級調用該管總兵官該道官降二級留任該督撫提降一級留任

又題准該汛官拿獲出海奸民止報該鎮不報督提及該鎮不即報督提者俱降二級留任
又題准官員造報各項文冊或遺漏重開數目舛錯或多開少造及遺漏職名者罰俸三個月轉報官罰俸一個月提鎮奏疏內或字樣差訛或奏疏內所有字樣貼黃內外錯遺落或貼黃內所有字樣奏疏內外錯遺落或開疏互異者罰俸三個月

又覆准在京部院衙門書辦指伊本司事犯賊刑部審實贓至十兩以上者將該管司官各降一級留任不及十兩者罰俸一年無司分衙門書辦犯賊將該管官亦照此例議處
又議准官員將永不敘用之人私委官職者革職
又題准關差回京原領

勒書精微批文親繳部科違限一月以內免議一月以外照例議處

又題准凡承審各官將正犯取定口供限內不行題結於一案內監斃一二人者免議三四人者罰俸三個月五六八人者罰俸六個月七八人者罰俸一年九人十人以上者降一級留任若在具題之後監斃者免議

又題准運軍犯徒罪責四十板發遣者遇熱審減等責三十五板并妻發二千里內衛充軍
又題准蒙古擅進內地殺人搶掠者專汛官革職兼轄官降二級調用總兵官降二級提督降一級俱戴罪圖功

又覆准州縣驛遞各官將私牌申送報部者即令離任于陞任缺內不論俸滿即陞至督撫提鎮會題緊急軍務方准用部發火牌司道副將以下官員有申報上司緊急軍務于牌票內開明緣由填馬不過二匹年終送部查核如督撫提鎮以下各官私用驛遞夫馬併私發牌票索取夫馬者各降二級調用其司道副將以下各官私發牌票索取夫馬者本官降二級調用督撫提鎮降一級留任驛傳道降一級調用州縣驛遞官不行盤詰即行應付者革職
又覆准顏料等項該撫委的當官役批內註定到京月日赴崇文門掛號限五日內交納戶部照批查驗逾限者領解官役參處如已解到京不即交納或惡棍包攬及崇文門役需索勒捐者照侵欺例處分

又題准官員將撥應之船不詳上司私自撥給或擅行估價者罰俸一年

又題准勘合火牌多填馬一匹者罰俸六個月二匹者罰俸一年三匹者降一級調用再多填者照例遞降

又題准駐劄

盛京官員拿獲偷參之人得財私放者革職交刑部若偷參之人同屯居住知而不舉者降一級罰俸六個月其採捕人役將採捕之物隱藏私帶者頭目及噶喇大守山海關官員罰俸一個月

康熙十二年十一月初一日

上諭刑部自古帝王欽恤民命務期獄無枉縱獄決明允以成刑措之治朕每於秋決重犯特為詳慎惟恐一夫有冤以傷和氣向來朝審之例先期進呈招冊然後九卿科道會審覆奏完結乃外省秋審奏本內止有節略觀覽未能明晰又有屢經續到之案為期甚迫以致過期復俟來年殊為不合以後外省秋審應令預期照在京朝審例造冊進呈亦著九卿科道會同覆核奏請定奪其造進招冊及奉旨結案行各俱應限定日期爾部一併詳議定例具奏特諭

大清會典康熙十二年十二月初九日欽奉

諭旨近聞爾部報緝死者甚多關係人命深為可憫著將緝死人數月終彙寫啓奏不必用印欽此又題准州縣衛所官乾沒錢糧者照貪贓例革職提問追贓衙役侵欺提審追贓該管官照縱

役貪贓例革職如州縣官有乾沒侵欺等情上司預先不行查出或據詳代為開銷者司道府都司各降一級調用督撫罰俸一年若前任州縣等官乾沒後任官不行查出或代為開銷者各降一級調用前任官那移後任官不行查出者罰俸一年布政司都司指勸州縣衛所官改那錢糧者照那用正項例處分督撫不行題參照例隱例議處其州縣侵那司道府官察出者無論年分遠近俱免議

又覆准凡追比侵盜錢糧犯人贓私如果家產盡絕不能完納該督撫取結具題免其追贓并免其入官流徙若家產未盡徇庇捏結者從重議處其追贓限期俱改限一年

又議准官員雖無錢糧盜案而未能力行教化督撫司道府等官濫舉亦照例罰俸

又覆准蘆課錢糧未完大小各官或初參或限滿題參者俱照徐准等倉錢糧未完官員初參及限滿例參處

又題准州縣官將已徵錢糧作為民欠恣意那用者革職鞫問司道府官朦隱不報者革職如已申報而督撫不行題參者降五級調用

又覆准巡撫布政使年限錢糧原欠不及一分者初參限內不完降一級二次限內不完降二級俱戴罪督催三次限滿不完降三級調用原欠一分以上俱照例處分其督催都司限一年

半衛所官限一年初次限內未完不及一分各罰俸一年停其陞轉二次限內不完各降一級

戴罪督催三次限內不完各降一級調用又覆准前任官有侵那拖欠者署印新任官交代時即通報督撫上司題參如徇隱不報交代後察出者罪坐接管官如已通報而上官不詳報題參徇庇舊官逼勒受代者許新任官據實報部逼勒上官以徇庇例議處本官赴部另補又題准承緝盜案各官病故或因事革職離任停其具題俟限期滿日該督撫查明按緝官員職名咨部查核餘賊照案緝拿

又題准在工匠役偷盜者監工官罰俸六個月外人偷盜者罰俸一個月不應在內行走之人偷盜者守門官罰俸六個月應行走之人偷盜者罰俸一個月

又題准竊盜二次者其主及父兄係官罰俸一個月三次者罰俸三個月

又題准竊盜被獲係某柵欄走出者該管步兵鞭一百

又題准每佐領下一年內十人以上為強盜者佐領降一級罰俸一年驍騎校革職撥什庫鞭一百二十名以上者佐領革職驍騎校革職鞭一百折贖撥什庫鞭一百革去撥什庫

又覆准凡審問強盜有供出在先行劫之處即行咨查督撫當日失主會經報官者即將該地方官照諱盜例處分若失主未報無實據者令該督撫取地方官並無諱盜印結報繳若具結之後別有發覺確查隱諱屬真者仍坐以諱盜不報之罪

又題准失主被盜不報該管官者照不應重律治罪

又題准家僕為強賊者將伊自置奴僕財物盡行賠償所劫之數如不足者將案內無主賊物賠補倘仍不足將賊犯自買之妻變價賠償其本主所娶之妻免其變價至另戶強盜賠償賊物將伊搶劫財物所娶之妻及家產奴僕等物盡行變價賠償如不足將案內無主人官之賊變價賠補其原定妻子變價之例應停止

又題准凡德州昌平等城

盛京寧古塔山海關等處駐防官兵閒散人及內府各王貝勒貝子公等下人并八旗屯撥什庫所管之人有生事擾害者將該管各員役俱照旗下人為盜處分之例治罪

又題准直省秋審令該督撫會擬情真緩決於疑分別具題每年於七月十五日內到部若限內不到者將該督撫交該部議處各犯原案俱在刑部將該督撫所題貼黃加三法司會議看語并該督撫會審情真緩決於疑看語刊刷刷格冊進呈

御覽後分送九卿科道官員各一冊八月內在天安門外會議情真緩決於疑分擬具題請旨定奪俟

命下之日各行直隸各省將情真犯人於霜降以後冬至以前正法雲南貴州四川廣西廣東福建俱限四十日江西浙江湖南甘肅俱限二十五日江南陝西湖廣俱限十八日河南限十二日

山東山西俱限九日直隸限四日
盛京限十五日寧古塔限一個月將咨文封面上明註所到限期發行若沿途該地方官限內遲延不到者該督撫查明題參至直省督撫將情真緩決於疑者審擬具題之後有續發事件不必具題俟來年秋審其

盛京等處監禁重犯亦造黃冊入在直省秋審內具題完結

又題准凡解役兩名同押逃人致有疎脫者一併流徙或一名有事在後一名看守疎脫逃人者將所脫之解役流徙其在後者免罪

又題准凡解役在店房歇宿不投文挨過三日者免其流徙責四十板過十日者責四十板枷號一個月房主留住過十日者責四十板係旗下人鞭一百

又題准凡旗下人挈獲逃人過十五日方准追給銀兩

又題准凡遺漏逃牌之主鞭七十

又題准凡逃牌已給撥什庫而遺漏不遞者撥什庫鞭一百逃人免入官仍給原主若逃人自回投主未銷逃冊又復逃者將不遞新檔逃人之主鞭七十

又題准凡窩逃之罪其同居族人及主僕互相出首者窩主亦免罪

又題准凡逃人之祖父父母或子孫出首者不論初次二次將逃人照自首例免鞭刺不算逃走次數地方官亦不記功於申解逃人時取

實係祖父母父母子孫甘結及地方官印結一併申送情虛者將為首之保人枷號一個月責四十板其餘保人責四十板地方官降一級調用

又題准凡旗下人民人雇覓逃人做工及賃房與住過十日者方斷為窩家其保人亦過十日者斷為窩家其房地賣與逃人有保人者將保人作為窩家如無保人將引進之人作為窩家鄰佑十家長地方及該管官照例免議如無保人及引進之人將房地之主仍作窩家或將房地賣後搬移別處居住事發房地之主免罪鄰佑十家長地方及該管官仍照例議處

又題准凡十五歲以下窩逃者免流徙十六歲以上者仍照例流徙尚陽堡

又題准凡未到案逃走之人窩家不知俘獲者免責

又題准凡窩逃正犯並妻流徙其祖父父子孫有願隨去者聽重下房地免入官財物亦聽其自便無祖父父子孫者房地入官兩鄰免枷號責四十板十家長地方各枷號一個月責四十板

又題准凡另戶人窩隱逃人者鞭一百罰銀十兩其餘窩隱逃人者照例追罰銀兩俱行入官其不能納者仍照例枷號

又題准奉天錦州二府屬民人及尚陽堡寧古塔民人併水手砲手人等窩隱逃人者俱枷號三個月責四十板

又議准枷號兩個月責四十板

又題准凡職官逃走自行投回者革職免議被
人挈獲者革職鞭一百

又題准凡逃人在逃走處犯事如一併發覺已
經刑部鞭責咨送督捕者免其重責仍照例刺
字

又題准凡逃人被獲過十五日者鞭刺

又題准凡逃人七十歲以上十五歲以下者免
鞭刺其夫帶妻逃或父帶女逃或子帶母妹逃
者婦女俱免刺字鞭一百若隻身逃走之婦女
仍行鞭刺

又議准凡護軍兵丁及另戶閒散人逃走者免
刺字鞭一百如係奴僕兵丁照例鞭刺其出兵
處逃走之護軍兵丁亦免刺字

又題准凡逃人之主不許私自差拿逃人准在
督捕衙門控告行提或告附近地方官解解若
違例私自往軍地方官及窩家免議逃人之主
係常人鞭一百係官罰俸一個月私差家人往

窩主家取討衣物者亦罰俸一個月

又題准凡拿獲逃人解部審係實有窩家者方
行文地方官提取窩家審理

又題准凡口外蒙古人逃進腹地娶妻者照公
主人役例斷給伊夫

又題准凡逃人從伊主家帶逃之妻有所生之
女已聘嫁民人者追銀四十兩給逃人之主若
不能納銀者其女給與伊主倘伊主已將逃人
轉賣於人其聘娶之女非所買數內者不斷銀

於後買之主

又題准逃人告有外生子女行提審虛者枷號
一個月鞭一百

又題准職官逃走該管官捏作常人投遞逃牌
者罰俸一年遞過逃牌說供不會逃走者罰俸
六個月在屯莊居住不會逃走而說遞逃牌者
其主係常人鞭七十係官交該部議處

又議定凡將民人冒認逃人者旗人枷號兩
個月鞭一百說稱賣身之人責四十板並妻流
徙尚陽堡若民人冒抵逃人姓名說稱係某家
逃人者亦照此例治罪其祖父父及子孫有願
隨去者聽

又題准凡官員錯寫逃牌投遞者罰俸一年
又令逃人十五歲以下者尚屬愚蒙逃走三次
亦免死

又題准凡流徙人犯之祖父母父母老疾無倚
家無以次成丁有控告者否查該撫取印結到
部照律責四十板餘罪收贖存雷養親若說報
者該部議處

又題准假稱逃人免其子女給與為奴止將本
身責四十板並妻給與軍古塔窮兵其幼小子
女願帶去者一併給發

按康熙九年題准凡民
人假稱逃人行詐者責
四十板並妻予給發
軍古塔窮兵為奴

又覆准招撫兵一千名以上船三十隻以上者
作為五等軍功兵一千五百名船四十隻以上
者為四等軍功兵二千名船五十隻以上者為
三等軍功兵二千五百名船六十隻以上者為

二等軍功兵三千名船七十隻以上者為頭等
軍功兵三千五百名船八十隻以上者為頭等
第一軍功如招撫僑王居住之府城者作為頭
等第一軍功府作為頭等軍功州作為二等軍
功縣作為三等軍功衛所作作為四等軍功有名
寨崖作為五等軍功其參贊之都統護軍統領
副都統分發將領與將領下遣去頭目以及預
事等官俱准議敘如以少稱多以空城作實城
者照例治罪

又題准如未經効力假稱咨送及尚堪披甲捏
詞退甲者該管佐領驍騎校罰俸六個月不行
詳查之參領協領罰俸三個月都統將軍副都
統罰俸一個月

又題准不係陣亡朦混咨送者該佐領驍騎校
罰俸三個月參領罰俸兩個月都統副都統罰
俸一個月

又題准披甲違例者該參領罰俸一個月佐領
驍騎校罰俸三個月撥升庫鞭五十

又題准流徙人犯遇熱審減等擬定徒罪若干
老有病及婦人俱照律折贖

又覆准官員將軍器私賣私給喀爾喀厄爾特
者革職其物入官人交刑部治罪

又題准民間養馬仍行禁止

又議准敘功時將攻戰未勞而說稱勞敵寡而
說稱眾者將兵主此次功績俱不准仍行革職
又題准在洋行走船隻經過地方並貿易貨物
地方各官知而故縱者革職不知者免議

又議准凡另戶人在外省販馬者將該管之佐領驍騎校及五城司坊等官俱議處撥什庫鞭責係家僕將伊主鞭一百該管人員免罪於販子名下追銀十兩給鞏首之人

又題准提鎮疏內無貼黃者罰俸三個月

又題准守門官將無印票盜甲私行放出者罰俸三個月撥什庫兵丁鞭五十

凡各省到任官員該管官按季造冊報部科

如有冊報違限照

欽部事件違限者例處分又題准如春季到任者夏

季造冊具報遲至秋季者除夏季外計月照例

處分餘照此例

又題准武官將族人之子稱為親兄弟之子或

將撫養之子及在民間族中之子送為廕監或

廕監生已經襲職復行補送廕監或將年歲未

滿廕監生詐稱年滿咨送者俱罰俸一年該佐

領驍騎校各罰俸六個月都統副都統各罰俸

兩個月如武官出征或公差或因年老免其上

朝恭遇

恩詔應得廕監而該佐領不行傳知結稱無子者罰

俸一年或該佐領遺漏者罰俸兩個月

凡搜獲私帶禁物又題准搜獲不即報知者罰

俸六個月按順治初定朝鮮人私帶硫磺等項

部者罰俸

又題准佐領隱佔房地者革職失查者罰俸一

年如止買人口併田產造入冊內者亦革職

又題准受賄縱放者守關官員革職兵丁交刑

部治罪

又題准外國人私自進口該管地方官不行查

報者降一級調用該管上司罰俸一年

又題准外國人不論蓄髮不蓄髮俱不許放進

邊內違者守邊口官及該管官一件從重議處

凡出征所得世職又題准除犯死罪及賭博宿

娼等枷號以上之罪者革職餘事俱免按順治

身出征所得世職

又題准看守人犯官員得財釋放者革職交刑

部重犯自盡者罰俸一年

凡點驗官員軍器舊例點驗官員軍器時如盜

甲弓矢等項全無又不親到者革職軍器缺額

者罰俸一個月箭上無字及射期不到者俱罰

俸兩個月又題准軍器缺額及不堪者罰俸兩

個月聚集之處及射期不到者罰俸一個月

又題准將所雇民人稱為奴僕具告者罰俸一

年

凡侵欺實給舊例該管官將兵丁賞給侵欺者

革職交刑部同官知情不實供者罰俸一個月

又題准同官不知情者罰俸一個月知情不實

者罰俸一年

又題准凡承問官將正犯及牽連無干之人遲

延監斃者查係某官承審止將承審之官議處

又題准凡被參官員於本案內革職者罪名折

贖俱免若別案革職仍照律擬死

又題准民人犯事誹稱係旗人者照不應重

又題准凡直省人命強盜事件一切擬罪等案

將全招畫一開列疏內併另造清冊投送三法

司衙門查核

凡遺失鎖鑰舊例守門護軍校遺失鎖鑰者該

班護軍校罰俸六個月同班護軍校罰俸兩個

月錯給鑰匙者亦罰俸六個月失誤關鎖

殿門者革去衣度額真罰俸一年該班侍衛亦罰

俸一年如週

皇上陞殿將應開之門不開者護軍統領罰俸兩個

月該值衣度大護軍參領降一級罰俸一年其

餘值班護軍參領俱罰俸一年護軍校罰俸三

個月又題准遺失鎖鑰者值班護軍校罰俸一

年同班護軍校罰俸六個月

凡擅打值宿兵丁舊例官員將看街步兵擅令

家人毆打者革職拿至家中毆打者革職交刑

部若因有事夜行兵丁雷難毆打致傷損者罰

俸六個月又題准官員將看街步兵拿至家中

毆打者革職致傷損者革職交刑部如果有視

病祭祀嫁娶宴會等事兵丁故意雷難者兵丁

鞭五十

又題准凡自盡人命呈報到部即差本部員役

相驗查無打死傷痕及別情者俱取屍親與本

佐領下撥什庫甘結存案若相有重傷及別情

者發司審理

又題准凡民人犯軍流徒罪者俱俟到配所之

日決杖

餘決過人犯日期概於年終彙報

又覆准凡司道府廳批審州縣事件將人犯發該州縣監禁其自審事件將人犯即在本衙門監禁本衙門無監者方發州縣若有監而故發州縣者督撫查參議處

又題准凡關係強盜人命等重罪人犯脖項手足應用鐵鎖扣鎖各三條其餘人犯用鐵鎖扣鎖各一條

又題准民人犯賭博者照旗人例分別枷號責四十板免其軍流

又議准凡姦家下有夫之僕婦者照不應輕律答四十人民有犯亦照此例

又定旗下本主強逼奴婢殉葬者嚴行禁止又題准匠藝將他人盜來之金銀器皿客隱傾銷者減竊盜一等擬罪

又題准凡貪贓官役流徒杖罪俱不准折贖又題准凡婪贓官員審係那用錢糧私自加派公用科斂坐贓致罪革職者其徒杖等罪折贖俱免

又題准保人歇家與衙役不同其犯事治罪照不係在官人役受有事人財律條科斷

又覆准凡勒詐取財者其說事過錢之人亦照與財人免其擬罪

又覆准凡以撲項藥餅邪術迷拐男婦子女者俱照設方略誘取良人為奴僕及略賣良人與人為奴婢之律遵行

又題准凡跪

午門長安等門控告照擅入

午門長安門叫訴冤枉律治罪

又題准跳

堂子控告者嚴行禁止若違禁控告係旗人鞭一百係民責四十板所告之事概不准行

又覆准奸徒身藏利刃行欲叩

闖擅入

午門長安等門者不問事之虛實概不准行係民責四十板發邊衛充軍係旗人柳號三個月鞭一百

又題准凡在

長安門左右等處自刎自縊撒潑喧呼者追究教唆主使之入俱杖一百徒二年

又覆准凡人有實係切己之事許本身呈告若將并犯餉事情須管伍營隊頭目率領兵丁公同陳告州縣徵派事情須州縣里長率領衆民公同陳告方准審理如懷挾私讎改捏姓名砌款粘單妄行控告者除所告不准外仍照律治以誣告之罪

又覆准凡官員出受封之妻先呈明刑部審理應離異者呈明吏部削去所封聽其離異其夫妻不和兩情願離者准照律行若係三不去者不准強離者依律治罪

又題准凡有夫與妻不和離異者其女現在之衣飾嫁裝憑中給還女家若兩家爭鬭者照律治罪有欲娶妾者聽若託放出妻者亦依律治罪

罪

又題准凡旗下民人家僕所盜贓物將伊自置物件賠償其另戶旗下民人儘其家產變價賠補若果家產盡絕不能賠償該管官出具印結免追其竊盜本身并妻子變價賠償及令伊主代賠之例俱停止若該管官徇庇出結者議處其犯搶奪之贓亦照此例

又題准旗下另戶人在外行劫被獲者本犯依律治罪外每一佐領下有一二人行劫者佐領罰俸一個月驍騎校罰俸兩個月撥什庫鞭五十三四人者佐領罰俸兩個月驍騎校罰俸三個月撥什庫鞭七十五六人者佐領罰俸六個月驍騎校罰俸一年撥什庫鞭八十七人至十人者佐領罰俸一年驍騎校革職撥什庫鞭一百十人以上者佐領驍騎校撥什庫俱從重治罪其佐領驍騎校出征及奉差在外有佐領下人行劫者俱免議將護軍校並該管各項匠役有頂帶頭目俱照驍騎校例議處係平人照撥什庫例治罪其差遣在外之人行劫者將該管頭目等照佐領驍騎校例分別議處至

內府包衣大井各王貝勒貝子公等下包衣大管莊撥什庫及八旗屯撥什庫等該管人役有犯將
內府包衣大各王包衣大照驍騎校例議處貝勒貝子公等家下包衣大管屯撥什庫屯撥什庫等俱照撥什庫例治罪其在
京旗下官員人等家僕有犯本主係官照驍騎校例處分係平人照撥什庫例治罪在外駐防官

員并披甲家人為盜者其本主亦照此例處分該管官員頭目俱免議一年內每佐領下有為盜十人以上者將佐領降一級罰俸一年驍騎校革職撥什庫鞭一百二十人以上者將佐領革去職任驍騎校革職鞭一百折贖撥什庫鞭一百革去撥什庫

又題准凡在部現審人犯內有年老殘疾者照律完結外其直省督撫具題案內有此等人犯流罪者不必解部該督撫查明取地方官印結具題收贖免其發遣如徇情捏報事發將出結地方官并督撫一併議處其人犯已經咨解到部告稱年老殘疾者概不准行

又題准凡端公道士私行跳神醫人者免死杖一百雖會稟過禮部有作為異端跳神醫治致人于死者照關毆殺人律擬罪其私請之人係官議處係平人照違令律治罪

又覆准凡白役隨正身衙役嚇詐未經查出之官罰俸六個月又官員於定數外畱用白役承

票差遣累民婪贓者照失察衙役犯贓例議處若正役犯贓事發官員飾稱白役自圖脫卸失察之罪者革職

又題准凡外官有失察衙役犯贓吏部已經革職者俱免其擬杖折贖

又題准凡衙門供役止許正身有私用白役者將正身及白役俱杖一百革役其白役犯贓正身知情同行者照衙役犯贓例治罪不知情不同行者不坐

又覆准白役犯贓正身雖不同行亦照親身犯贓例治罪

又題准凡朝賀常朝及接

駕送

駕日官員無故不到者俱罰俸一個月詐稱上朝者罰俸一年捏供同上朝之官罰俸兩個月其已

注病不在家查出罰俸一年

又定官員應用鑲貂朝服及應具朝服日期不遵例服用者俱罰俸一個月

又覆准凡人持兇器自傷者杖一百棍徒聚眾行兇無故撞人亂打為首者係民責四十板徒

三年係旗下柳號四十日鞭一百餘人係民責

四十板係旗下人鞭一百若罪有重於此者仍

照律科罪

又題准各官銷引欠八分以上者革職其戴罪

督催者限一年銷完如未完一二分者降三級

三四分者降四級五六分者降五級俱調用七

分以上者革職

又題准各官任內鹽課未完別案降調丁憂離

任者俱罰俸一年鹽池牆垣倒塌行鹽無術商

販不前或食鹽不遵舊例藉口不行鹽者均罰

俸一年

又題准前官已完銷引責成後官一年內繳部

如不行送部及題報鹽引遲延或申報鹽引前

後不符者該管官罰俸一年巡鹽御史兼管鹽

法巡撫罰俸六個月

又題准鹽引不行題明私自那撥者該管官降

一級調用巡鹽御史降一級畱任兼管鹽法巡撫罰俸一年或將此縣引責與別縣未經查報者府廳官罰俸一年布政使按察使罰俸六個月

又題准凡旗下家僕之女私嫁與人過五年者停其賠償婦人之例令給銀四十兩如不能給銀仍令離異其有明知辛者庫人之女及旗下家僕私嫁之情而說媒聘娶者俱照不應重律治罪不知情者不坐

又題准凡婦人夫亡之後願守節者聽欲改嫁者母家給還財禮准其領回至家僕亡故其婦聽原主給還財禮領回若僕婦有子願守節者不許復配與人亦不准原主領回違例復配者婦人斷歸原主不追財禮

又覆准惡棍勒寫文約嚇詐財禮聚眾毆打致死人命審有實據為首者立斬為從助毆傷重者擬絞監候餘仍照光棍為從例治罪其家主父兄係旗下人鞭五十係民責二十板係官議處如家主父兄出首者免議本犯仍照例治罪

凡城內夜禁舊例城內起更後柵欄關閉王以下官民人等不得任意往來步軍校等分定街道輪班值宿步軍副尉等仍行巡邏兵部不時差官查驗若柵欄不行關閉官兵曠班及不支更者步軍副尉一併議處除奉

旨差遣及部院衙門差遣外如有喪事生產及問疾請醫祭祀嫁娶宴會往來者許步軍官兵等詳問事故及本都統佐領姓名開柵放出仍遞交

附近該值兵丁次日即報步軍總尉步軍副尉詳問果實免其送部如無事詐稱者送部議處起更之後私自夜行者係王貝勒貝子公等應記名報部係官員或婦女即送至其家仍向鄰佑說知挈獲時辰次日報部若係民人即行羈留其挈獲時辰亦向鄰佑說知王以下及官員請

旨交部議處民人鞭二十七被獲之人各罰銀一兩給與挈獲兵丁若步軍官兵或徇隱不報或受賄縱放或被傍人挈獲出首者步軍校從重議處撥什庫鞭一百兵丁鞭八十罰銀三兩給出首之人如未起更之先妄挈挨至起更後方向鄰佑說知或竟不向鄰佑說知者撥什庫兵丁及步軍校亦照此例議處又題准官員無故夜行罰俸一個月街道柵欄不行關閉值宿撥什庫兵丁缺少不支更次及挈獲之人脫逃者值宿步軍校值宿步軍副尉俱罰俸一個月撥什庫鞭三十兵丁鞭二十七如將挈獲之人得財私放及未起更之先妄挈不向鄰佑說知者值宿步軍校罰俸兩個月撥什庫兵丁俱鞭一百該管官知情扶同者革職又議准無為白蓮焚香開香混元龍元洪陽圓通大乘等邪教惑眾聚會念經執旗鳴鑼聚眾拈香者通行八旗直省嚴行禁飭違者照例鞭責枷號又議准凡隱匿入官財產及反叛籍沒入官人口者俱照律行

又題准提學考試遲延限內不能完結者降一級調用

又題准咨文投部違限者照赴任違限例議處

又題准凡部院衙門書辦因病退役或因不諳文移退役而更名復入別衙門者杖一百徒三年

又題准失火致傷人命者杖一百交該城照律發落

又議准叛案牽連流犯身故其妻子亦免流徙

又覆准總河題補及保留久住官員若無裨河務將該督照依劣員舉賢能例議處

又覆准凡家僕告主係謀反大逆謀叛隱匿奸細者方許首告其餘不準行將控告之人係旗下鞭一百係民責四十板

又題准生員越關赴京在各衙門誑捏控告或跪牌演奏者所告不准革去生員照違

制律杖一百

又題准凡在瀛臺景山

皇上行幸之處跪訴者照迎

車駕申訴之律治罪在郊外迎

駕跪訴者照衝突儀仗律治罪

又題准除軍器不准典當外其貂鼠猞猁獬等物對明各主方許典當違者俱照例治罪

又覆准凡喪葬之家雇人擡送俱聽本家自便

若作行等強分地界分外勒索者係旗下送

部按律問擬係民該城依律治罪

又題准赤子關係人命拋殘有戾天和凡旗下

民人有貧窮不能撫養其子者許送育養嬰兒之處聽其撫養如有輕棄道塗致傷生命及家主逼勒家僕拋棄嬰兒者責令八旗佐領五城御史嚴行禁飭

又議准凡丈夫出外婦人私請喇嘛班第到家者照不應重律杖八十若稟過該佐領驍騎校請來者無罪其婦人私人寺廟燒香者照律治罪挈首之人照例給賞若家僕出首者照首主例治罪

又覆准銷燬制錢者犯人與失察官員俱照私鑄例治罪官員挈獲每一紀錄一次至四起

加一級傍人首告者所獲銅一半入官一半給賞除紅銅銅及現存銅器不禁外其鑄造一應

銅器止許五斤以下違禁者係官革職係旗下人枷號一個月鞭一百係民責四十板流三千

里所獲銅入官曉騎校失察照知縣例佐領照知府例參領照司道例都統副都統照巡撫例

議處撥什庫每一紀鞭一百

又題准布按以下各官丁憂俱令解任不准題

雷違者議處

又題准看守

御門曠班者革職若有父母之喪及偶染重疾不

向該管官呈明以致曠班者罰俸一年

又題准佐領不因公事將佐領下男婦無故責

打者罰俸一年挾讎責打者降一級罰俸一年

需索財物不遂責打者革職

又題准請假官員違限不及一月者免議違限

一月者罰俸一個月二月者罰俸二個月三月者罰俸三個月四五月以上罰俸六個月六七月以上罰俸九個月八九月以上罰俸一年一年以上降一級一年六個月以上降二級二年以上革職如果有患病阻滯情由取具將軍城守尉及府州縣印結免議

又題准佐領驍騎校本身冒領口糧者革職佐領下人冒領失察者佐領驍騎校罰俸一年都統副都統罰俸兩個月蒙古護軍兵丁應在遊牧地方駐劄而私留在京披甲支糧及額外披甲多支糧者該管官俱降一級罰俸一年

又題准直省督撫有平常小事差役害民經科道糾參或部內查出者議處

又題准凡冤死擬流人犯有告稱祖父母父母老疾無倚家無以次成丁者移文該地方官查取印結照旗下人例枷號兩個月責四十板准其存留養親若地方官不行詳審結報不真者議處

凡補官爭告舊例補授官員時有向宗人府兵部衙門爭告者務將本身冤抑并該旗徇情妄送緣由開明審係真情即將爭告緣由准行仍將徇情妄送之都統等罰俸六個月又題准都統護軍統領前鋒統領副都統等將不堪任之人徇情妄送者降一級罰俸一年若具告涉虛者原告係官降二級係平民交刑部議處凡妄行奏告舊例官員引

見時不候

俞旨即將所得功牌妄行演奏者罰俸六個月如於

議政王會推時妄告者革職又題准官員果有行間効力之處不候會推即行妄告者罰俸六個月若無効力之處誣告者罰俸一年

又題准世職官員應降級者除有加級准其抵銷外應降一級者降半俸三年應降二級者住俸三年三年無過准其開復如三年內又有過犯以後議之日為始其議處時不論世職大小俱照職任議處如無職任仍照世職議處

又議准奴僕偷採人參本主知情者杖八十說供不知者杖一百

又題准守邊口官員筆帖式將與蒙古結好之人縱令出口買馬者俱革職所買之馬入官至未進

貢之先入館偷買

貢馬官員降一級罰俸一年平民鞭一百守館監貢官俱罰俸六個月如搶奪偷盜者革職交刑部

又覆准人命重情務必檢驗屍傷方行定擬嗣後初檢傷真即行定擬若屍親控告傷痕互異再行覆檢定擬毋得復行三檢以致拖累犯證如有疑似之處委別縣審理者委官即帶伴作親詣屍所檢驗不得擅行弔屍

又題准凡異姓人結拜弟兄未曾插血焚表者為首杖一百為從杖八十

又議准凡有尅餉情弊城守尉防守尉不行申報者亦照例議處

刑部則例康熙十二年三法司為稟報事議覆

霸州盜犯陳五等於十一年三月初五日行劫劉潤家打死旗人董四分賊遠遁後有民人劉文登誣良民艾明亭等為行劫真盜拿至拷打承認隨經行劫此案真賊劉應投到州衙將伊夥盜出首查拿夥盜審係情真定例內開強盜殺人不准自首等語劉應照例不免但先拿民人艾明亭等七人認盜之後若劉應不行出首而許多良民俱作強盜身死自劉應首明各命俱免劉應情有可矜查熱審例內重犯內有矜疑者奏

請定奪等語劉應出首伊夥各犯得免與單身投首盜賊有別應免死減等杖流

第七七〇冊 之〇八葉